

certitudine & simplicitate, & in hac humiliter  
acquiescamus, nec nos ipsos & alios fastuose &  
maliciose, ausuq; temerario & impio inquietemus,  
incertis problematum stultissimorum vanitatibus,  
mutuis conuictijs, & odijs, & his nosmetipsos per-  
damus, prostituamus & confundamus, ut, pro  
dolor, fieri solet. Habuimus haecenus, & adhuc  
Dei beneficio habemus res ipsas, veritatem, atq;  
nucleum doctrinae & consolationis. Nostrum est  
videre, ne à rebus tantum ad Verbalia, à Veri-  
tate ad figmenta rationis & labyrinthos, à nucleo  
ad putamina, à Christi ore ad Philosophorum  
commenta, à textu evidenti ad glossas Babylonicas,  
à caelestibus ad terrena, à mysterijs diuinis ad ra-  
tiocinationes humanas, ab incorruptibilibus &  
eternis ad caduca & corruptibilia, ab hyperphysi-  
cis & antiphysicis, quorum exempla in solis scrip-  
turis sacris habentur, ad physica tantum axioma-  
ta, & à Deo ipso ad homines, ab Angelis ad bestias,  
à pietate ad extremam securitatem, à consolatione  
ad stuporem & fremitum, à reuerentia ministerij  
ad contemptum eiusdem, deniq; à certitudine fidei,  
doctrinae & salutis nostrae, ad dubitationes schola-  
sticas & suspensiones Academicas, hoc est, ad  
plusquam Cimmerias tenebras, & ad ipsius dam-  
nationis barathrum, ablegari & nostramet culpa  
precipitados adigi nos sinamus, neue Turca plus  
videantur Christo tribuere, quam multi in Eccle-  
sia ipsa, & ne filia deuoret matrem. Tribuamus

Filio